

ქ. თბილისი

27.03.2018 წელი

ერთი მხრივ, ს.ს. „ინფექციური პათოლოგიის, შიდსისა და კლინიკური იმუნოლოგიის სამეცნიერო პრაქტიკული ცენტრი“ (შემდგომში „შემსყიდველი“) წარმოდგენილი მისი აღმასრულებელი დირექტორის შოთა გოგიჩაიშვილის სახით და მეორეს მხრივ შპს „მოწინავე სამედიცინო ტექნოლოგიები და სერვისი“ (შემდგომში „მიმწოდებელი“) წარმოდგენილი მისი დირექტორის გიორგი ნიკოლაიშვილის სახით „სახელმწიფო შესყიდვების შესახებ“ საქართველოს კანონის შესაბამისად ელექტრონული ტენდერის (SPA180001995) საშუალებით დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე.

## 1. ხელშეკრულების საგანი

- 1.1 ხელშეკრულების საგანია: სამედიცინო მოწყობილობების CPV 33100000 შესყიდვა, წინამდებარე ხელშეკრულების პირობებისა და სატენდერო დოკუმენტაციის (SPA180001995) შესაბამისად რომელიც თავის მხრივ წარმოადგენს ამავე ხელშეკრულების განუყოფელ ნაწილს;
- 1.2 დაფინანსების წყარო: ეკონომიკური საქმიანობიდან მიღებული შემოსავლები;

## 2. ხელშეკრულების ღირებულება

- 2.1 ხელშეკრულების ჯამური ღირებულებაა: 6'699.00 (ოქვსი ათას ექვსასოთხმოცდაცხრამეტი) ლარი;
- 2.2 ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს;

## 3. ანგარიშსწორების ფორმა და ვადები

- 3.1 მიმწოდებელთან ანგარიშსწორება განხორციელდება მოწოდებული შესყიდვის ობიექტის შესაბამისად უნაღდო ანგარიშსწორების წესით ეროვნულ ვალუტაში;
- 3.2 მიმწოდებელთან ანგარიშსწორება განხორციელდება შესყიდვის ობიექტის მიწოდების შემდეგ მხარეთა შორის გაფორმებული მიღება-ჩაბარების აქტის საფუძველზე, მიღება-ჩაბარების აქტზე მხარეთა მიერ ხელმოწერიდან არაუგვიანეს 60 (სამოცი) კალენდარული დღის განმავლობაში.
- 3.3 მხარეებს შორის მიღება-ჩაბარების აქტი გაფორმდება ეტაპობრივად, მოწოდებული საქონლის შესაბამისად;

## 4. შესყიდვის ობიექტის მიღება-ჩაბარების წესი

- 4.1 შესყიდვის ობიექტი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტისა და სასაქონლო ზედნადების გაფორმების შემდეგ;
- 4.2 შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს შოთა გოგიჩაიშვილი – აღმასრულებელი დირექტორი;

## 5. შესყიდვის ობიექტის მიწოდების ვადა და ადგილი

- 5.1 წინამდებარე ხელშეკრულებითა და სატენდერო დოკუმენტაციით (SPA180001995) გათვალისწინებული შესყიდვის ობიექტის მიწოდება მოხდება ხელშეკრულების გაფორმებიდან არაუგვიანეს 40 კალენდარულ დღეში, შემსყიდველის მისამართზე - ქ. თბილისი ალ. ყაზბეგის გამზ. #16;

## 6. მხარეთა უფლება-მოვალეობები

### 6.1 შემსყიდველს უფლება აქვს:

- ნებისმიერ დროს განახორციელოს კონტროლი (ინსპექტირება) და ზედამხედველობა მიმწოდებლის მიერ ხელშეკრულების პირობების დაცვაზე;

### 6.2 შემსყიდველი ვალდებულია:

- უზრუნველყოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები;

### 6.3 მიმწოდებელს უფლება აქვს:

- მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით;

### 6.4 მიმწოდებელი ვალდებულია:

- მიაწოდოს შემსყიდველს შესყიდვის ობიექტი ხელშეკრულებით დადგენილ ვადებში;
- დაიცვას ხელშეკრულებით დადგენილი ყველა პირობა;

## 7. ხელშეკრულებით ნაკისრი ვალდებულებების შესრულების ინსპექტირება

7.1 ხელშეკრულებით ნაკისრი ვალდებულებების შესრულების ინსპექტირებას განახორციელებს თამაზ ნამგალაძე (აღმასრულებელი დირექტორის მოადგილე ტექნიკისა და ტექნოლოგიების დარგში);

7.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული ან გასაწევი მომსახურების ხარისხის კონტროლს;

7.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

## 8. ხელშეკრულების პირობების შეუსრულებლობა

8.1 ხელშეკრულებით ნაკისრი ვალდებულებების შესრულების ვადის გაშვების შემთხვევაში, მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.01%-ის ოდენობით;

8.2 იმ შემთხვევაში თუ პირგასამტეხლოს ოდენობა გადააჭარბებს ხელშეკრულების ღირებულების 3%, შემსყიდველი ორგანიზაცია იტოვებს უფლებას ცალსახად შეწყვიტოს ხელშეკრულება;

8.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

## 9. ხელშეკრულებაში ცვლილების შეტანა და ხელშეკრულების შეწყვეტა

9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

- 9.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 9.4 მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 9.3 პუნქტით გათვალისწინებული გადაწყვეტილების მიღების განზრახვის შესახებ;
- 9.5 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

#### 10. დაუძლეველი ძალა

- 10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია აუცდენელი, დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის;

#### 11. დავები და მათი გადაჭრის გზები

- 11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

#### 12. ხელშეკრულების მოქმედების ვადა


- 12.1 ხელშეკრულება ძალაში შედის მისი ხელმოწერის დღიდან და მოქმედებს 2019 წლის 5 მარტის ჩათვლით;

#### მხარეთა რეკვიზიტები

|                                                                                                                                                                                                                                                                                        |                                                                                                                                                                                                                                                                              |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------|
| ს/ს „ინფექციური პათოლოგიის, შიდსისა და კლინიკური იმუნოლოგიის სამეცნიერო პრაქტიკული ცენტრი“<br>საიდენტიფიკაციო კოდი: 212153756<br>მის: ქ. თბილისი, ალ. ყაზბეგის #16.<br>საბანკო რეკვიზიტები:<br>სს თბილისი ბანკი<br>ბანკის კოდი: TBCBGE22<br>ანგარიშის ნომ: GE29 TB71 4413 6020 1000 01 | შპს „მოწინავე სამედიცინო ტექნოლოგიები და სერვისი“<br>საიდენტიფიკაციო კოდი: 202059725<br>იურიდიული მის: ქ. თბილისი ბელიაშვილის ქ. 83<br>ტელეფონი: 2 532 032<br>საბანკო რეკვიზიტები:<br>სს საქართველოს ბანკი<br>ბანკის კოდი: BAGAGE22<br>ანგარიშის ნომ: GE20BG0000000119160100 |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------|

აღმასრულებელი დირექტორი:

შოთა გოგიჩაიშვილი




დირექტორი: გიორგი ნიკოლაიშვილი



## ხელწერილი ინტერესთა კონფლიქტის არარსებობის შესახებ

ქ. თბილისი

27.03.2018 წელი

„სახელმწიფო შესყიდვების შესახებ“ საქართველოს კანონის მე-8 მუხლისა და სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის დამტკიცების შესახებ“ მე-5 მუხლის მე-6 პუნქტის შესაბამისად, ქვემოთ ხელის მომწერი პირი ადასტურებს, რომ ს.ს. „ინფექციური პათოლოგიის, შიდსისა და კლინიკური იმუნოლოგიის სამეცნიერო პრაქტიკული ცენტრი“-ს მიერ სამედიცინო მოწყობილობების CPV 33100000 შესყიდვის მიზნით გამოცხადებულ ელექტრონულ ტენდერში SPA180001995 გამარჯვებულთან, შპს „მოწინავე სამედიცინო ტექნოლოგიები და სერვისი“ არ აქვს ინტერესთა კონფლიქტი.

ვადასტურებ:

თამაზ ნამგალაძე (აღმასრულებელი დირექტორის მოადგილე ტექნიკისა და ტექნოლოგიების დარგში)